

EH2025 Dorffest Festspiel

Schauspieler Heidewiibli
 Gipsgrubenheiland
 Hirsch
 Tanne

Jubichor

Männerchor

Clairon

Akkordeon

+++++

Fanfarenstoss 1

Was isch das für än Lärme? Ich, s'Heidewiibli, dörf nur all 100 Jahr usecho, und jetzt trifft i grad so öppis a

Und ich, dä Gipsgrubeheiland, bin grad vo minere Hütte abe cho und ghöre au so än Lärme, was isch dänn da los?

Und mich, dä Oberähredinger Hirsch, hät's au usem Wald tribe – was isch dänn hüt los?

Sogar mich, d'Unterähredinger Tanne, wo ja eigentlich fescht im Bode staht, hät's da ane zoge.

Fanfarenstoss 2

.....

Meiteli, wenn du witt go tanzä,
dänn muesch du **as Dorffäscht** gah,
Det, wo's giked, det, wo's örgelet,
Het's nu immer Büebä, Büebä,
Meiteli, wenn dü witt go tanzä,
muesch uf **Ähredinge** gah,
Det, wo's giked, det, wo's örgelet,
Het's nu immer Büebä gha.

Refrain:

Zogä, zogä, zogä-n-am Bogä,
Sunntig isch schon mängisch gsi,
Und uf drümal hundert Wärichtig
Darf scho einisch **Dorffäscht** sy,
Jo jo jo jo, Zogä-n-am Bogä,
Sunntig isch schon mängisch gsi,
Und uf drümal hundert Wärichtig
Darf scho **Dorffäscht** sy.

Heidewiibli	tanzt mit	Gipsgrubheiland,
Tanne	mit	Hirsch

Geschtert hätt dä Vater ghämmeret
Und mir händ em s'Zält ufgstellt
und am Aabig hend's ä grisli
grossi Bühni heregstellt:
All Vereine hälfed tüchtig
Sportvereine, all vom Chor,
Manne, Fraue, Spiel und Spass,
Schütze, Gugge, - alls chunnt vor

Refrain

Und au die im Gmeindrat obä
sitzed zäme mitenand
Und die alli foifi syfzged,
Chente mer doch äu züenä abbä,
Und im Gmeindrat alli rüefed,
mir wänd au as Dorffäscht gaa.
ja die foifi, die tüend rüefe,
söllid all as Dorffäscht gaa!

Refrain

Händer scho gseh, die riesig Bohrmaschine i dä Nidermatt? Die bohred 15 Meter tüüfi Löcher in Bode! -

Ja wahrschiinlich zum s'Gäld verloche vo dä Gmeind!

Nei, dank für d'Tüfgarasch vom neue Coop!

Vom Coop? Sponseret de Coop jetzt die neu Hallen? Ha gemeint, d'Tüfgarasch chäm bi dä Schporthallen?

Oder doch gschiider bi dä Rüebliwiise?

Ihr mached eifach alles durenand. Und du, Gipsgrubebeiland bisch än Schtürmi!

nimmt Jasskarten aus dem Sack: 1, 10, 15, 30, 39

was machsch, tuesch jasse?

nei, das sind dank die neue amerikanische Zöll!

ah, zum Glück nume d'Zöll, jetzt hani scho Angscht gha, das seig d'Schtüürerhöchig wäg de neue Halle.

Tafel «Fixpriis»

überhaupt Gipsgrubebeiland, sig du ruhig, du zahlst ja sowieso kei Schtülle

Mir verleidets, ich gange i'd Beiz

wo wotsch dann no ane? Höhtal zue, de Heimatwirt zJapan, sBistro am Sunntig zue und dä

Ängel am Sunntigabig grad au no

So höred jetzt uuf, s'Stück geht wiiter

Fanfarenstoss

Rap: In Ehredinge

1

Jetzt wohn i au scho mängs Jöhrli da
han mich da fascht scho chli niderglää
känne dä Lade und d'Poscht und d'Schuel und dä Pfarrer
känne d'Wäge und d'Strasse und dä Schneepfluegfahrer
hocke ab und zue inere Beiz am runde Tisch
rede mit, über dises und über anders was isch
bi au scho i mängem Verein debii
ich säge „mis Dorf“ als wär's immer so gsii

ja so grad isches g'sii
bin au mit debii

ich bi froh in Ehredinge z'sii

2

Ich känne do scho mänges Gsicht
ich känne do scho mängi Gschicht
känne Froid und Leid,
känne Striit und Froid,
känne da fascht jedes Huus
au bim Gmeindsbüechli chum'i langsam druus

so bin i debii
bin au mit debii
ja ich bin froh än Ehredingeri z'sii :

3

Und du? Spillsch villicht gärn Musig
Trompete oder Bass,
oder bisch villicht sportlich,
bisch im Tschutte äs Ass,
Villicht tuesch gern walke
über Sctock und Stei,
oder lieber gern jasse,
i de Beiz oder dihei,
Oder bisch gschickt im Chüngel-Züchte
oder im schöni Bluemegsteck richte
- mach mit im'ne Verein
mach irgendwo mit
wo'd anderi Lüüt triffsch,
wo's Spass und Erholig und Erfahrige git!

ja gib di drii,
so bisch au debii,
bisch froh än aktivi Ehredingeri z'si

4

Villicht tuesch aber gern diskutierte
oder häsch s'Talänt zum politisiere
gsehsch das und s'ander wo me besser sött mache
Finanze oder Schuel oder andere Sache
chasch argumentiere inere Kommission
und überzüüge für dini Position

ja gib di drii,
das würd's doch sii,
än engagierti Ehredingeri z'sii.

5

Villicht aber stinkt's der's, findsch alles denäbe
machsch d'Fuscht im Sack, dänksch alls sig vergäbe
findsch das seig nur äs Kaff ohni Ideen und Pfiff
die da obe, die händ doch eifach nüüt im Griff . .

ja so cha's au sii
so schick di drii
halt au än Ehredingeri z'sii

6

Ja mängisch da dunkt's eim sig alles verstaubt und verhocket
verchruschtet, verfilzt, verhanget, verstocket
stuuri Grinde, stuuri Chöpf,
die alte Striit, die alte Zöpf

dänn lahn i's la sii
fühl mi gar nöd debii
was söll ich in Ehredinge sii

7

Hej! - wohnsch du au scho paar Jöhrli da
häsch di fascht scho chli niderglaa
kännsch dä Lade und d'Poscht und d'Schuel und dä Pfarrer
kännsch d'Wäge und d'Strasse und dä Schneepfluegfahrer
hocksch ab und zue inere Beiz am runde Tisch
redsch mit, über dises und über anders was isch
bisch au scho i mängem Verein debii
und seisch „mis Dorf“ als wär's immer so gsii

ja gib di drii,
so bisch au debii,
bisch froh in Ehredinge z'sii – Ja!

Birewegge Chäs und Brot

Birebirewegge, Kafi und Brot
Mexico und Schlangebrot
alls chasch ha a eusem Fäscht
und vo allem nume s'Bescht

Börger, Churros probiere muesch,
Älplermagrone mit Öpfelmues
Tiramisu und Heisse Hund
Alles früsch und tiptopp gesund

Akkordeon Zwischenspiel

Birebirewegge Chäs und Brot
Bier und Wii und wiss und rot
Griifed zu ihr liebe Lüüt
a dem Fäscht fählt wüerkli nüt

Akkordeon Zwischenspiel

Birebirewegge, Kafi und Brot
Mexico und Schlangebrot

alls chasch ha a eusem Fäscht
und vo allem nume s'Bescht

Akkordeon Trio

Hirsch und Tanne streiten. Hirsch stösst Tanne. Tanne schlägt Hirsch mit Holzstock, Heidewiibli und Gipsgrubenheiland mischen sich ein usw
wenn Musik fertig:

So höred uuf, schliesslich simmer sit 19 Johr zäme

Fanfarenstoss

Ja Heidewiibli, Gipsgrubebeiland,
Hirsch und Tanne und alli mitenand
liheimischi, Fründe, Främdi Lüüt
alli simmer zäme hüt

1. Abend Alt und Jung wämmer zäme si.
s' Dorffäscht 2025 söll eröffnet sii!
"Ja!

2. Abend Alt und Jung wämmer zäme si.
dä zweit Abig Dorffäscht söll eröffnet sii!
"Ja!

Sonntag Alt und Jung wämmer zäme si.
s' Dorffäscht das isch jetzt verbii!
"Oouu!»

Fanfarenstoss

56 Mitwirkende:

Heidi Büchi mit dem Jubichor
Martin Reigl mit einem Teil des Männerchors
Marcel Frei mit einem Trupp der Clairongarde
Heidewiibli, gespielt von Rita Frei
Gipsgrubenheiland, gespielt von Luca Allegria
Oberehrender Hirsch, gespielt von Gabriel Frei
Unterehrender Tanne, gespielt von Marisa Flück
Akkordeon und Leitung Claudio Eckmann

